



Õhtsaž rist

Riistâs keä'st-a, ceä'lkke. Täujja risttâm liâ samai jii'jjenpuättlaž. Ij-ka ni paaldâst âarraï ouumaž teädest, mu'vddem nuä'd nu'bb ouumaž jie'llmestes kuâdd. Keäid-ne mee'st vuâstlõõgg šâ'dde nu'tt šurrân, štõ son kiõččlâstt štõ lij kuâddjam samai õhttu jiijjâz rist teädd vuâlla.

Tân kiiđ ceelâi maai'lm kuâdd õhtsaž rist, koronavirusepidee'm vellai vaarr. Veâl mue'dd mannu tuâgggaž saagg Kiinast vaikkte ku'kken. Ââ'n pannvue'kk da räa'jtõõzzi mie'tt argg lij mottjam puk vee'zz maai'lmest. Nääi't lij kiâvvam še takainalla nu'tt staanân õnnum Lää'ddjânnmest. Leä'p jouddâm miõttâd, štõ jeä'p leäkku ni jiijjân pirrõõzzâst staanâst tä'st ceelâi maai'l sie'jttam viruskõõvâst.

*

Ääi'jpoddsâž õhtsaž koronaviruskõõv rist kue'ddmen mi'jjid lij vääžnai mu'stted, štõ ristt lij še E'jjpeei'vi Biblijamainnsi vääimast. Evanğe'lium peäggat, mä'htt Isõs kue'ddi jiõčč jiijjâz riistes, koozz suu looppâst ka'ğge Golgata – nõmmsâž pää'rest.

“ Tõt lij tieuddum”, le'jje Isõs mââimõs sää'n riistâst. Mânja son njikkloõtti vuei'ves da uu'di jiõggâs nu'tt suâvteen rie'kkeem. Riistâst Isõs tiu'ddepiiji jie'lmes poodd ceä'lkkem saa'nees: “ Šoorab räa'kkesvuõđ ij ni kii vuei't čuä'jtet, gu u'vdded jiõggâs pââ'ssviilljeez oudâst”. Riistâst šõõddi looppâst räa'kkesvuõđ da tuâiv miârkk.

Ristt ij kuuitâg ää'blkõõvvâm e'jjpeei'v evanğe'liummainnâz mââimõssân čuäitõzzân. E'jjpeei'vtue'laa ä'uuddsâjja mõõnnâm neezan pue'tte määusat rämmsaaggineez: Isõs jeäll! Kuâras ääu'dest čuõ'vves čuõvv skoonnâd rist da jää'mmem määskasvuõđ.

*

Seämmast gu koronaviruskõõvv vaarr lij ârstâ'ttâm mij argg jie'llem, čõõđat pirrõõzzâst tää'lvest piâzzeei luât samai mâid-ne jee'res. Tä'vjjânnam joogg da jâäu'r lue'žžje da so'dde jiõñâst. Ä'mmel ä'vvne tân še kiiđ muõrid. Ođđ jie'llem kâccai luâđâst ou'dde.

Ķidđsa luâđ sinfoon čuâjj seämmanalla kristtlaž tuâiv saaggin. Tân tuâiv saagg viõgsmâ'ttmen tuärje'ked kuei'mm- kuei'meed täin vä'žšlõs männjin. Sme'llkâattaš mi'jjid Vuâpää'd sää'n Jeremia kee'rjest: “ Mon oudâm ti'jjid puõttivuõđ da tuâiv”.

E'jjpeei'vi vue'lnn 2020

Jukka Keskitalo

Oulu aa'rhelkâ'dd aa'rhel